



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

Dubium I. Quot & quinam sint vniuersim loci ac sedes principiorum
Theologicorum; & quænam singulorum ratio.

[urn:nbn:de:hbz:466:1-72856](#)

Verba S. Thomæ ad propositum sunt ista...: Hac Scientia non accipit sua principia ab alijs scientijs, sed immediate à Deo per revelationem. Et ideo non accipit ab alijs scientijs tanquam à superioribus, sed uritur ex, tanquam in inferioribus & ancillis scientiæ architectonicae uruntur submissis transibus, ut ciuius militari. Et hoc ipsum,

quod sic uritur eis, non est propter defectum & insufficienciam eius, sed propter defectum intellectus nostri: qui ex his, quæ per naturalem rationem (ex qua procedunt alia scientiæ) cognoscuntur, faciliter manuducitur in ea, quæ sunt super rationem, quæ in hac scientia traduntur. Ita S. Thomas. Atq; hæc de attributis Theologis sat.

QVÆSTIO V.

De principijs siue locis Theologicis.

S. Thom. I. p. q. I. art. 8. 9. & 10.

Absolutius bcc questio quinque dubijs. I. Quot & quinam sint uniuersim loci ac sedes principiorum Theologicorum. II. Quotuplex sit Scriptura sensus, & quam ad argumentandum efficax. III. An etiam conclusio Theologica ex duabus reuelatis, aut una reuelata, & altera naturaliter evidente, possit esse principium Theologice argumentationis. IV. An etiam sequatur conclusio necessaria, seu certa de fide, si in discursu Theologico præmissa naturalis sit vel de inesse tantum, vel moraliter certa. V. An & quaratione argumenta contra fidem possint solvi.

DVBIUM I.

Quot, & quinam sint uniuersim loci ac sedes principiorum Theologicorum, & quanam singulorum ratio.

S. Thom. I. p. q. I. art. 8.

Cum Theologia sit habitus argumentatiuum, ut dictum q. 2. dub. 1. habet utiq; suos etiam quosdam argumentorum ac principiorum locos ac sedes, ex quibus argumenta deponit. Numerus autem locorum Theologicorum varie à varijs constituitur, non tam rerum ipsarum, quam verborum, discrimine, vt inferius dicemus.

Sunt enim primò nonnulli ex Theologis, qui unum tantum locum Theologicum videntur assignare, nimirum scripturam sacram. Ita loquitur Scotus q. 3. prolog. ad questiunc. 3. vbi ait: *Theologia nostra non est actualiter omnium scibilium, prostatu isto: quia sicut theologia beatorum habet terminum, ita & nostra ex voluntate Dei reuelantis. Terminus autem praefixus à voluntate diuina, quantum ad reuelationem generalem, est eorum, quæ sunt in sacra scriptura. Quia sicut habetur in Apocal. ultimo, Qui apposuerit ad hanc, apponet ei Deus plaga, quæ apponuntur in libro isto.* Igitur Theologia nostra de factone non est nisi de his, quæ continentur in scriptura, & de his quæ possunt elici ex ipsis. Similia habet Henricus Gandensis in summa art. 8. q. 6. vbi ait: *Tota ista scientia confusa ex veteri testamento & nouo, isto modo imperfectionis, nullum omnino habet imperfectionem, sed est tota perfecta.* Et inferius: *Et sic, inquit, ex Evangelio Christi formaliter habetur omnis veritas, quam posicuit erat per spiritum sanctum Apostolos doctorum.* Similia habet Gerloni tract. de exam. doctrinarum part. 2. considerat. I. Vbi ex authoritate Beati Dionysij refert, nihil audendum dicere de diuinis, nisi

que nobis à scriptura sancta tradita sunt. Et addit: *Quoniam scriptura nobis tradita est, tanquam regula sufficiens & infallibilis, pro regimine totius Ecclesiæ scilicet corporis & membrorum, usq; in finem seculi. Sed & ipse etiam S. Thomas, mox referendus, vnum tantum proprium & necessarium Theologiæ locum refert scripturam sacram; sub qua tamen etiam traditiones, & Ecclesiæ, summi Pontificis autoritatem comprehendit; utpote quas generatim ipsa etiam scriptura commendat, vt inferius assert. 4. dicetur.*

Secundò Bellarminus Cardinalis, tom. 4 controversia 1. lib. 1. & 4. vt & alij Controversiarum Tractatores sepe, omnes veritates fidei, adeoque principia Theologica ad duos generales locos reuocantur, nimirum verbum Dei scriptum, & non scriptum; siue ad scripturam sacram, & traditiones; late hoc nomine accepto, pro omni fidei veritate, in scripturis speciatim non tradita.

Tertiò S. Thomas hic q. 1. art. 8. ad 2. obiter & velut aliud agens, Theologicæ argumentationis latissimæ accepta, quatuor locos commemorat; videlicet primò authoritatem scilicet scripturæ; secundò authoritatem SS. Patrum; tertio authoritatem Philosophorum, aliorumq; scriptorum prophanorum; quartò rationem naturalem: ex quibus primum locum dicit esse, ex proprijs & necessarijs; secundum ex proprijs quidem, sed probabilibus: quod intellige, si singuli, aut aliqui Patres seorsim aliquid tradant; & non omnes simil, in aliquo religionis dogmate, consentiant: tertium ex probabilibus, sed extraneis; quod omnes fatentur: Quarto loco nullum ipse quidem peculiarem assignat titulum; Caietanus tamen ibidem interpretatur, itidem esse ex probabilibus & extraneis; sed non rectè. Nam S. Thomas potissimum respexit ad rationes necessarias & evidentes; vt proinde ex eius mente præcipue sit necessariorum quidem, sed extraneorum.

Quarto Gregorius de Valencia hic q. 1. punc. 5. 1. §. omissis locis extraneis & probabilibus, septem locos

locos argumentorum verè Theologicorum numerat. 1. Authoritatem scripturæ sacræ. 2. Traditionum Apostolicarum. 3. Summorum Pontificum definiens, quæ sit doctrina fidei. 4. Conciliorum. 5. Authoritatem consenserentem Doctorum Ecclesiasticorum. 6. Communem fidelium consensum in realiqa, ad religionem pertinente. 7. Veritatem naturalem euidentem, iunctam veritati fidei.

² Quinto M. Cichior Canus, qui de Loci Theologiciis peculiare opus edidit, lib. 1. cap. 3. Theologica argumentationis, uniuersim itidem acceptæ, decem locos ordine commemorat; nimis 1. Authoritatem sacræ scripturæ. 2. Authoritatem traditionum Christi & Apostolorum. 3. Authoritatem Ecclesiæ Catholice, seu communis sensus fidelium. 4. Authoritatem Conciliorum, præsertim generalium, in quibus Ecclesiæ Catholice authoritas residet. 5. Authoritatem Ecclesiæ Romane, seu Pontificis quipiam definitis. 6. Authoritatem Sanctorum veterum. 7. Authoritatem Theologorum, Scholasticorum, Canonistarum. 8. Rationem naturalem. 9. Authoritatem Philosophorum & Jurisconsultorum. 10. Authoritatem humanae historiæ. Equibus septem priores locos sere proprios vult esse Theologia; tres reliquos ad scriptitos & alienos, ac quasi emendatos. Eandem doctrinam referunt & probant Dominicus Bannes hic q. 1 a. 8. Gabriel Valquez hic disp. 12. cap. 1. Nec multum discrepant è recentioribus illi, qui addunt Angelicam authoritatem: (qua tamen vix in vsu est apud Theologos) & simul Jurisconsultos seorsim à Scholasticis Doctoribus & Philosophis numerant; atque ita duodecim locos constituunt. Sed & ipsem etiam Canus fatetur, alio atque alio respectu, eosipso locos vel contrahi, vel extendi posse.

Vt autem nostram sententiam hac dare distinetè explicemus; Notandum est, locos Theologicos duplice ratione consignari & enumerari posse; prout etiam ipsæ Theologicae argumentationes duplice modo appellari possunt. Primo latè, prout nimis vniuersum comprehendunt. **omnis generis** argumentationes, quibus Theologio nonnunquam ad suis conclusiones vñcunque probandas vñntur, sive propriæ sint Theologicae, sive alienæ, & ab alijs scientijs, vel habitibus quasi mutuo acceptæ; in quibus rursum aliquæ sunt necessariae, alia solum probabiles. Secundo accipiuntur loci & argumentationes Theologicae strictè, pro ijs, qua non ex alijs habitibus aut scientijs desumptæ, propriæ ad ipsum Theologiam habitum pertinent, simul querationem formalem obiectivam & certitudinem. Theologiae propriam continent sive constituant. Qua ratione loci Theologici principia solum diuinitus reuelata, ipsasque fidei veritates continent; cum etiam Theologicae argumentationes alij propriæ non sint, quam quæ ex principijs eiusmodi reuelatis (sive utraque, præmissa sit reuelata, sive vna reuelata & altera naturaliter euidens) procedunt, vt dictum supra q. 3. dub. 2. & q. 4. dub. 4. Et vtroq; tamen modo rursum numerus locorum Theologicorum aut generalius & contractius, aut in specie magis & distinctè, retamen interim eadem permanente, iniri ac designari potest. Quare observata, facile iam est, & nostram,

hac de re sententiam explicare; & varias aliorum sententias nobiscum, ac inter se, conciliare.

Affirmatio I. Loci Theologici latè accepti, si distinctè numerentur (prout videlicet aut toto genere, aut saltu secundum certitudinem plurimum differunt) rectè vniuersim numerantur viginti; nimis 1. Explorata & perspecta authoritas sive sententia sacræ scripturæ. 2. Eisdem authoritas probabiliter existimata. 3. Explorata authoritas traditionum Christi & Apostolorum. 4. Authoritas eorundem traditionum probabiliter existimata. 5. Perspecta authoritas Ecclesiæ Catholice, sive communis sensus omnium fidelium exploratus, cum aliquid credunt velut ad fidem pertinens. 6. Authoritas eiusdem consensus probabiliter existimata: quo pertinet communior fidelium, aut etiam ipso per se Ecclesiæ Romane, vt particularis quedam Ecclesia est, sensus, quamuis exploratus. 7. Authoritas explorata Conciliorum generalium, seu approbatorū. 8. Authoritas Conciliorum non approbatorum, seu approbatorum quidem, sed non explorata: sive quia non satis constat de approbatione; sive quia sensus verborum Concilij non est satis perspectus. 9. Authoritas explorata definitiois Pontificiæ, in dubia questione fidei seu religionis. 10. Eadem authoritas probabiliter existimata. 11. Consentiens & explorata authoritas SS Patrum in refidei tradenda; in quibus etiam quantum ad Canonum scientiam simul connumerandis Canonistæ; ut rectè Canus & Gregorius de Valentia locis cit. 14. Authoritas eorundem non consentiens, aut non satis explorata; quo spectat authoritas Scholasticorum Doctorum per se & seorsim accepta. 15. Authoritas Ecclesiasticae historiae, nempe de rebus Ecclesiasticis, præsentia viris Ecclesiasticis scriptæ. 16. Authoritas & fides profanæ historiæ. 17. Ratio naturalis euidens. 18. Ratio naturalis probabilis. 19. Authoritas Jurisconsultorum legumque ciuilium. 20. Authoritas Philosophorum. Hæc affirmatio constat satis ipso quotidiano usu & experientia. Neque est contra Canum, aut cum eo sententes: quia non negavit ipse, quælibet ex prioribus locis à se allatis posse rursus in duos subdividi, quorum unus probabilia solum, alter infallibilis argumenta suppeditat. Imò hoc ipsum authores illi expressè docuerunt, & per se notum est. Omissa vero est authoritas Angelica; quia hæc per se non versatur in publico Theologæ usu: ac si de specialibus ac priuatis Angelorum reuelationibus loquamur, apud eos, quibus reuelatio ipsa facta non est, plus non præstat, quam argumentum probabile.

Affirmatio II. Loci recensiti inter se variè differunt; ac in ijs septem tantum sunt loci proprii, ac propriæ Theologici: nimis 1. Explorata authoritas sacræ scripturæ. 2. Explorata authoritas traditionum Christi & Apostolorum. 3. Perspecta & consentiens authoritas totius Ecclesiæ Catholice; sive consensus fidelium exploratus, cum aliquid credunt, velut ad fidem pertinens. 4. Authoritas explorata

Conciliorum generalium, seu approbatorum, quippiam circa fidem definitiū. 5. Authoritas legitima & explorata definitionis Romani Pontificis in dubia fidei quæstione. 6. Consentiens & explorata authoritas SS. Patrum, in aliquo fidei dogmate tradendo. 7. Similis consensus sine authoritas Ecclesiasticorum Doctorum: quibus subserviunt alij ex enumeratis. Hac assertio est ex mente omnium Doctorum, ac ferē in terminis habetur apud Gregorium de Valentia loc. cit.

Probatur & declaratur. Quia ut superius ex S. Thoma hic q. 1. a. 8. diximus, & sequuntur etiam Caietanus ibidem, & Gregorius de Valentia loc. cit. Loci Theologici, generatim loquendo (quos antea recentiuimus) sunt in triplici differentia. Aliqui enim sunt ex proprijs & proprij, seu proprijs Theologici: quidam ex proprijs quidem, sed non proprijs alij demū penitus alieni & adscriptiti. Idem lociones rurum aut sunt probabiles tantum, seu probabiliū argumentorum sedes: aut necessarij & infallibiles. Loci ex proprijs & proprij Theologiae vocantur, quinon solum ex suo genere ad solam Theologiam pertinent, materiamque adeo Theologicam continent: sed etiam certitudinem ac infallibilitatem Theologiam, seu obiecti formalis quo Theologiae, annexām habent: siue quorū & materia Theologica est, vt pote ex suo generē religionem concernens; & ipsa quasi forma etiam, seu auctoritas, & certitudo supernaturalis ac infallibilis est. Locus enim proprij Theologicus non est, nisi sedes sit argumentationis proprij Theologice, quæ procedit veles vtraque, vel ex una saltem præmissa revelata, & altera evidente, per eundem consequentiā, ut superius dictum: Ergo nec locus proprij Theologicus esse potest: nisi infallibilem habeat authoritatem, adeoque infallibiliter continet propositiones fidei reuelatas; siue per eum ipsum locum primum, fiat reuelatio, vt fit per scripturam, siue reuelatiō iam antea facta per eum infallibiliter innotescat & proponatur, vt fit per Ecclesiam, vt in materia de fide docetur. Et tales sunt septem tantum iij, quos numerauimus. Nec obstat, quod etiam ex necessarijs eiusmodi locis, solum probabilia quandoq; ducentur argumenta: V. G. Deus in principio creavit celum & terram: Ergo simul etiam in eodem principio creavit cetera elementa, & corpora simplicia intermedia, &c. Id enim non sit ob defectum materiæ seu principiorum, quæ continentur illis locis; sed ob defectum consequentiæ; quæ ad locos ipsos secundum se non pertinet: vel etiam ob defectum alterius præmissæ adiunctæ.

5 Loci vero ex proprijs, sed non proprij Theologie sunt illi, qui ex genere quidem suo, & ratione, materia, ad solam Theologiam pertinent, sed tamen infallibilem certitudinem rationemque formalem. Theologia non continent; esto authoritatem mere humana fide non paulo maiorem habeant. Vt certinatur in Doctoribus & Scriptoribus Ecclesiasticis; quorum doctrina & fides licet in singulis illis infallibilis non sit, maiori tamen aliquo lumen diuinum inspirato ex suo genere gubernata fuisse diuinum creditur. Quia de causa etiam docet Vasquez cit. disp. 12. cap. 4. locum historia Ecclesiasticae proprium, seu ex proprijs Theologie esse; licet Canus

vniuersim eum vocet adscriptitum, vt vidimus. Tales proinde loci, ex recentis præcedenti assertione inueniuntur octo; nimirum 1. authoritas scripturæ sacræ probabiliter solum existimata. 2. authoritas traditionum Christi & Apostolorum probabiliter existimata. 3. Similis authoritas existimata consensus totius Ecclesie, vel explorati etiam consensus plurim, in aliqua re fidei. 4. authoritas conciliorum quidem, sed non explorata. 5. authoritas definitionis Pontificie probabiliter existimata. 6. authoritas SS. Patrum, aut non consentiens, aut non firma, aut non explorata. 7. authoritas Doctorum, cuiusque etatis, aut non consentiens, aut non satis explorata, &c. 8. authoritas Ecclesiastice historia: qui loci inter recentios sunt, secundus, quartus, sextus, octauus, decimus, duodecimus, decimus quartus, & decimus quintus, ut singulos consideranti erit manifestum.

Externi vero & adscriptiti, siue alieni loci vocantur, quorum & authoritas, & materia per se mere naturalis est. Et tales ex enumeratis sunt quinque postremi, nimirum 1. authoritas seu fides profanæ historiæ. 2. ratio naturalis euidentis. 3. ratio naturalis probabilis. 4. authoritas Iurisconsultorum. 5. authoritas Philosophorum: e quibus sola ratio euidentis; ac si modo etiam historiæ vniuersalis in aliqua re testanda consensus (vt dicetur infra dubit. 4.) necessarium preber argumentum, ceteri probabile solum.

Et quanquam Gregorius de Valentia cit. q. 1. p. 5. §. 1. etiam veritatem naturalem evidentem, iunctam veritatem fidei, inter locos verè & proprij Theologicos annumerauerit, vt suprareculimus, verius tamen est contrarium; vt indicat etiam S. Thomas hic cit. q. 1. a. 8. quaerationi naturali, etiam iuncte propositionis fidei, conclusio Theologica propriè non inititur, vt dictum q. 3. dub. 2. sed solis principijs fidei. Quocirca Vasquez cit. disp. 12. num. 6. hoc ipso etiam casu docet, rationem naturalem, non esse proprium locum Theologi, sed adscriptum.

Assertio III. Recte etiam vniuersim loci omnes proprie Theologie reuocantur ad duos locos generales, nimirum Verbum Dei scriptum, & non scriptura; siue ad scripturam sacram, & traditiones; latè hoc nomine accepto, pro omni scilicet fidei veritate, in scripturis speciatim non tradita. Authores recitauimus supra, circa secundam sententiam. Probatur assertio. Cum enim Theologia pro ratione assentiendi habeat propositiones fidei reuelatas, vt dictum q. 4. dub. 2. necesse est vtique, omne principium Theologie esse reuelatum, adeoque continere verbum Dei: reuelari autem, vel saltem reuelatum proponi, seu cognoscī infallibiliter potuit, vel per scripturam sacram, vel extra illam, voce Christi, Apostolorum, vel Ecclesie, seu totius, seu vt in Concilijs congregata, seu etiam capitis eiusdem Ecclesie visibili in terris, Romani Pontificis. Vnde exurgit triplex genus traditionum diuinarum, Apostolicarum, & Ecclesiasticarum; de quibus plura Bellarminus lib. 4. de Verbo Dei cap. 2. & suo loco in 2. 2.

Assertio IV. Tametsi verè quidem aliquo sensu dici possit, omnia quæ ad fidem pertinent, contineri aliquo

aliquo modo in sacra scriptura; non tamen absolutè dicendum est, scripturam esse unicum duntaxat Theologiæ locum proprium. Prima pars est mens authorum, quos pro prima sententia adduximus; & ita facile probatur. Si enim omnia, que credim⁹, aut continentur expressè in scriptura; aut ex ea aliquo modo deducuntur: fatendum plane est, omnia quæ ad fidem pertinent concinri modo aliquo in sacra scriptura; nimirum aut explicitè & immediate, aut implicitè & mediate: sed verum est antecedens: Ergo, &c. Maior pater.

Minor probatur. Quia quædam credenda explicite & immediate contineri in sacra scriptura, nemo negat: cetera vero omnia ex scriptura aliquo modo, interposita scilicet infallibili Ecclesiæ autoritate, rem aliquam velut de fide certam proponentis, infallibiliter colligi, ita probatur. Quia de quibusunque eiusmodi rebus fidei, etiam aliquo inter traditiones numerari solitis, ita possumus ex scriptura ratiocinari. Quidquid Ecclesia in rebus religionis credendum proponit, id est certum & infallibile, ac omnino fide credendum: Hoc vel illud Ecclesia proponit credendum v.g. Communionem sub una specie esse ex te honestam, nec diuini iuri repugnare; Infantes recte baptizari ab hereticis baptizatis non esse rebaptizandos, &c. Ergo haec omnia & singula omnino sunt certa & infallibilia. Maior huius syllagismi sumitur ex scriptura, Matth. 18. v. 17. si Ecclesiæ non audierit, sit tibi sicut Ethismus & Publicanus. Matth 16. v. 18. Super hanc Petram edificabo Ecclesiæ meam; & porta inferi non præualebunt aduersus eam. 1. Tim. 3. v. 15. Ecclesia est columna & firmamentum veritatis.

Eadem pars assertionis probari etiam potest hoc discursu. Quicquid enim creditur, aut est scriptum (in sacra scriptura;) aut traditum per Ecclesiæ: ut constat ex precedente assertione: vtrumque aliquo modo continetur in scriptura sacra; illud quidem explicitè; hoc vero implicitè eo ipso, quod ipsa scriptura Ecclesiæ infallibilem autoritatem, Ecclesiæ casque traditiones commendat, & obseruandas precipit, ut constat ex citatis scripturæ locis, & insuper ex illo 2. Thess. 2. v. 14. Ita q. fratres stete & tenete traditiones, quas didicistis, sive per sermonem, sive per epistolam nostram.

Denique nulla est regula fidei, quæ non sit vel ipsa scriptura sacra; vel commendetur in scriptura sacra; uti de Ecclesia, adeoq; etiam vniuersalibus Ecclesiæ concilijs & traditionibus, patet ex locis citatis: de summo Pontifice; ex Matth. 16. v. 18. Tu es Petrus, & super hanc petram edificabo Ecclesiæ meam; & porta inferi non præualebit aduersus eam: Et tibi dabo claves regni celorum. Et quodcumq; ligauerū super terram, erit ligatum & in celis: Et quodcumq; soluerū super terram, erit solutum & in celis. Item Ioan. 21. v. 15. 16. 17. Pasc agnos meos, pasc oves meas, &c. Quorum utrumque ad Petrum, ac Petri successores Romanos Pontifices pertinet, ut suo loco in 2. 2. materia de fide ex instituto docetur. De SS. Patribus & Doctribus Ecclesiæ idipsum patet ex Ephes. 4. v. 11. Et ipse (Christus) dedit quodam quidem Apostolos, quodam autem Prophetas; alios vero Euangelistas; alios autem Pastores & Doctores, ad consummationem Sanctorum, in opus ministerij: in edificationem corporis Christi, donec occurramus omnes in unitatem fidei & agnitionis filii Dei,

in virum perfectum, in mensuram etatis plenitudinis Christi: ut iam non simus parvuli & frumenta, & circumferamus omni verbo doctrinæ, in nequitia hominum, in astutia ad circumventionem erroris. Atque in eundem etiam sensum Catholicæ doctrinam explicauit colloquio Ratisponensi sessi. 5. Protocoll. Monac. edit. 2. pag. 92. ac postea in Responso ad primam classem testimoniiorum, sub finem, post sess. 8. pag. 188. ut & initio responsi ad secundam classem Testimoniorum ab Aduersarij prolatorum pag. 189. Idq; postea fuisi prosecutus in Apologetico Relationis de Colloquio cap. 6. 8. & 9. vbi de scriptura perfectio, & traditionum necessitate pluribus disputatum.

Vnde etiam colligitur, eti quidem aliqui omnes & singulæ propositiones immediate reuelatae à Deo, habeat rationem primi principij in Theologia: nihilominus tamen inter principia, quibus vtiatur Theologus, quandam cerni ordinem; ita ut in illo, perinde ut in aliis scientiarum principijs quedam dentur, veluti dignitates sive Maxima: quibus omnis propemodum discursus Theologicus innititur. Tales sunt ista dua: Prima naturalis, & naturaliter evidens; Quicquid Deus dicit seu reuelat, verum est: Altera supernaturalis & reuelata; Quicquid scriptura sacra docet, est à Deo reuelatum. Ex isto enim principio habemus, hoc vel illud esse à Deo reuelatum, modo explicato: Ex illo; Omne à Deo reuelato verum est; qui discursus supponitur, & virtute quasi continetur in omni discursu Theologicō; ut pluribus Gillius lib. 1. tract. 2. cap. 6. Et quia fides ante scripturam fuit, atq; etiam non paucæ fidei creduntur, quæ particulatum in scriptura reuelata non sunt; ut taceat quod priuatum subinde reuelata itidē per fidem credi possunt, ut suo loco dictum; idcirco discursus Theologicus per se, aut vniuersim, à scriptura diuina, adeoque à secunda illa Maxima minime dependet.

Secunda pars assertionis ita facilè probatur. Quia qui dicit, scripturam esse unicum locum Theologicæ argumentationis, aut unicum normam, is excludit & negat esse alios locos, seu regulas fidei infallibles; ut per exponentes ex dialectica patet: at vero negari nullo modo potest, esse etiam præter scripturam alios plures locos, seu regulas fidei infallibles, ut ex dictis patet; & fuisse contra aduersarios in colloquio Ratisponensi probatum fuit: & pluribus postea deductum ac defensum cit. Apologet. Relationis cap. 4. 5. 6. 8. 9. 10. 13. Ergo, &c. Neque vero Scotus, Gandavensis, Gerson, aut S. Thomas vñquam ita locutius erunt, scripturam sacram esse unicum normam fidei, aut unicum locum Theologicæ argumentationis: idque etiam hoc tempore multò minus dicendum est, quod Seclarij his ipsis verbis errorem suum, quo à fidei doctrina & regulâ, traditiones, auctoritatemque infallibilem Conciliorum, summi Pontificis, & Ecclesiæ, exclusas volunt, profiteri solent, ut cit. cap. 4. Relationis videre est; eti nec idipsum tueri in Colloquio potuerint, ut ostensum in Relat. de Colloq. part. 3. cap. 5. & Apologet. prafat. cap. 11. & 12. & in Apologet. Relat. cap. 18. idque insuper ipsum etiam in Colloquio ijdem appetere exprobratum, pro confessio ipsi habuerunt, cit. Responso ad primam classem testimoniorum, ad 2. testimonium Iræni Protocolli pag. 177. & alibi.

Nec pluribus hoc loco de singulis locis Theologicis tractandum, quando loci aliena ad Theologum propriè non pertinent; ex ijs verò qui propriè Theologici sunt, descriptura quidem dubio sequenti agetur: de ceteris verò, nimirum de traditionibus, de Ecclesia, de Conciliis, de summo Pontifice, ex instituto differunt, in z. 2. vbi de Regulis fidei agitur.

9 Tria solum circa Ecclesiam & SS. Patrum, Doctorumque autoritatem, hoc loco breuiter notanda. Primum: Ecclesia unanimes consensum, aut doctrinam, cum aliquid velut ad fidem pertinens, credit vel docet, non tantum catenus esse infallibilem, quatenus formaliter fidei contrarii esse non potest; ita nimirum ut sit hereticus, & ipsius fidei habitum expellat: sed etiam materialiter falsum esse non posse; adeoque simpliciter infallibilem esse, ut ex dictis scripturæ locis, Matth. 16. & 1. Tim. 3. alijisque pluribus, recte probant Canus lib. 4. loc. Theolog. cap. 4. & Gregorius de Valentia loc. cit. contra quosdam contrariantur insinuantes, in quibus, si deface consideres, inquit Canus, videntur glossa interlineata, in illud, Portæ inferi non prævalebant aduersus eam: & D. Thomas in 4. d. 6. q. 1. art. 3. quaestione 2. ad 3. & Cardinalis Turrecremata lib. 2. de Ecclesi. cap. 9. r. Alfonius à Castro de iustabore punit. lib. 1. cap. 5. Quæ sententia si vera esset, iam vim infallibilem non haberet argumentatio illa: Ecclesia tota credit, aut docet, hoc, vel illud; v. g. Euangelium Matthei esse Canonicum: Ergo reuera est: Id quod tamen nequaquam dicendum est.

Secundum est. Authoritatem consentientem SS. Patrum, seu omnium, qui nos antecesserunt; seu qui aetate qualibet vixerunt, viquenon minus per le atque antecedenter infallibilem esse, in rebus fidei, quam omnium Doctorum, qualibet aetate viventium; quos cum uniuersa Ecclesia in doctrina fidei vell Pastores & Doctores audire & sequi tenetur, iuxta citatum locum. Apostoli Ephes. 4. proflus necesse est, etiam secundum se habere authoritatem infallibilem; ne alioqui tota etiam Ecclesia in fide necessariò errare tencatur; ut ex communī & certa rete tradunt Canus lib. 8. loc. Theol. cap. 14. Gregorius de Valentia cit. tom. 3. d. 1. q. 1. p. 7. §. 46 alijque recentiores. At si de Patribus solum loquamus, qui sua scripta ad nos transmiserunt, eti quidem negari non possit, eos, si consentiant, continere irrefragabile fidei argumentum à posteriori, & à signo; tum quia ab Ecclesia recepti sunt, & approbatæ nec fas est eis in rebus fidei, & sacra scriptura interpretatione, aduersari; ex VI. Synodo act. 11. & 13. in epistola synodali Sophronij, unde sumpturn etiam est Canon 19. Trullanæ Syhodi, item ex Concilio Lateran. ultimo act. 11. & Concilio Tridentino sess. 4. in Bulla Pij IV. per Pium V. renouata: Tum quia argumentum in moraliter evidens præbent, eius fidei, quam tota Ecclesia Catholica, eorum tempore habebat: verius tamen videtur, eos, per se, & à priori infallibile fidei argumentum non præstare.

10 Ratio est. Quia isti, qui scripsérunt, & sua ad nos scripta transmiserunt, non sunt omnes plani Doctores, qui vel qualibet, vel una aliqua aetate in Ecclesia vixerunt; sed tantum aliqui, & fere pauciores ex illis; à quibus proinde, etiam si errassent, non erat necesse, totam eius temporis, quo scripsérunt, Ecclesiam in-

errorem induci: tametsi etiam ut sic præbeant argumentum plusquam moraliter certum, ac fidei proximum, si vnamini consensu quipiam pro fidei dogmate tradant: secus si aliquid in rebus Philosophicis, seu aliiquid, eorummet etiam iudicio, ad fidem non pertinent, solummodo opinentur. Arque ita cum S. Thoma hic art. 8. ad 2. & in 2. dist. 14. art. 2. Stapletono controv. 6. lib. 11. cap. 5. Cano lib. 7. loc. Theolog. cap. 3. Banne hic q. 1. a. 8. dub. 5. recte notavit Gillius lib. 1. tract. 7. c. 13. Atque ita etiam intelligendus est Gabriel Vasquez hic disp. 12. num. 2. vbi docet, Patrum, nempè quorum libros habemus, consensum, ex se non habere, infallibilem authoritatem: eti Gregorius de Valentia tom. 3. disp. 1. q. 1. p. 7. §. 16. significare videatur, eorum etiam, quiscripsérunt, Patrum, unanimes consensum, in aliquo fidei dogmate, per se infallibilem esse.

Tertium est, quod propriè ad Scholasticos Doctores perinet, & recte notavit Gregorius de Valentia hic q. 1. p. 5. §. 1. Si que illorum propria sint dogmata, eti veteribus Patribus & Doctoribus non repugnantia, ea licet non omnino certam & infallibilem, ut dictum, grauem tamen habere authoritatem. In quem sensum etiam idem author tom. 3. d. 1. q. 1. p. 7. §. 46. ait, negare commune placitum scholasticorum Doctorum, valde esse temerarium. Cui doctrinæ consentiente etiam Vega lib. 9. in Concil. Trident cap. 14. Bannes hic q. 1. a. 8. & fere Canus lib. 8. loc. Theolog. cap. 4. & lib. 12. cap. 7. alijque recentiores. Vbi etiam præ oculis habendum, quod dicit S. Thomas hic art. 8. ad 2. argumentari ex authoritate, esse maximè proprium huius scientie; ed quod principia huius doctrinæ per revelationem habeantur: ut proinde quisque merito suus, quæ communi ac consentienti authoritatati Doctorum Scholasticorum refragantur, ratiunculari suspectas habere debeat, & potius captiuare intellectum, ad maius fidei obsequium, quam ex suo ingenio firmatas eiuscmodi Doctorum sententias impugnare. Hoc enim uti sapere difficile non est, ita pericolosum est.

Atque ex dictis intelligitur, non solum quanta eruditio consummato Theologo sit necessaria, in omni disciplinarum, præcipue Philosophicarum genere; sed & simul etiam, quod initio diximus; tametsi locorum Theologicorum numerus varie ab authoribus assigetur; id tamen non fieri ob aliquam rerum ipsarum diuersitatem: quasi ideo de re ipsa inter Doctores controvèrtatur; sed solum ex diuersa numerandi & distinguendi ratione, ut dictum. Plura de hac re in 2. 2.

DVBIVM II.

Quotuplex sit scriptura sensus; & quam ad argumentandum efficax.

S. Thom. 1. p. q. 1. a. 9. & 10.

Pertinet quidem hæc res propriè ad Interpretes sacrae scripturae. Sed quia Theologi Scholastici

est, &